

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

DATE: 28/09/2024

BROADCAST: 18:50 HRS

RAINFALL DAMAGE

འབྲས་ལྗོངས་ ན་ སོང་མཁན་ ཉམ་ ༡ ལས་ ལྷ་མཐུང་ ཉི་ སྐབ་མཁན་ ཆར་ཆེན་ གི་ བྱས་ལས་ མི་ཆེ་ ན་ བར་ཆད་ ཐོན་ཡོད། གསོ་རེང་ རྫོང་ཁའི་ Daramdin ཡུལ་ཚྭ་ ན་ ཡོད་ཁན་ ལྷང་ཅོག་ བྱང་མེའ་ གི་ ས་གནས་ གས་གན་ གདང་ ཐོན་ཁན་ ས་ཅུད་ གི་ བྱས་ས་ལས་ ༡༧ ཐམ་བ་ བྱིམ་ ཟ་ཆོང་ལོ་ སྤང་སྐྱབ་ ས་གནས་ ན་ བོད་བོ་ ཨིན།

འབྲུང་ཁུང་ གོན་བཞིན་ གསོ་རེང་ རྫོང་ཁའི་ ས་གཞི་ བབས་ཡོང་ དང་ སྐྱོན་ངན་ ལས་ ཐབས་ཅད་ ལས་ལག་ གི་ འགོ་བརྒྱུད་ Daramdin གི་ SDM, Police འཛིན་སྐྱོང་ ཡུལ་ཁའི་ panchayat མཉམ་ཆེ་ འབྲེལ་བའི་ ལས་ལག་ གི་ གཞུགས་ ཅུ་ གི་ ས་ཅུད་ ལས་ གཞོད་སྐྱོན་ ཡུལ་གི་ གཟིང་སྐོར་ བྱས་ཞན་ སྐྱོན་ངན་ གི་ ཞེབ་སྤྱད་ སྐབ་བོ་ ཨིན། ལྷང་ཅོག་ ན་ ས་ཅུད་ ན་ རྒྱུ་མཁན་ མི་སར་ དང་ ཟ་ཆོང་ ལོ་ VLW ལས་ལག་ ན་ བོད་ཞ་ ཡོད།

གཞན་ཁར་ རྫོང་ཁ་ འདིའི་ Tharphu ཡུལ་ཚྭ་ ན་ ཡོད་མཁན་ Kolbotey Sorathey ན་ ལྷ་མཁན་ Hem Prasad Bhattarai གི་ བྱིམ་ ཡང་ ས་ཅུད་ ན་ རྒྱུ་ལོ་ སྤང། ལྷ་མཐུང་ ཉི་ བབས་མཁན་ ཆར་པས་ བྱས་ས་ ལས་ མངའ་ཕྱེ་ གི་ ས་གནས་ མན་འདྲ་བོ་ ན་ འཁོར་ལམ་ རྒྱུ་བོད་བོ་ མཉམ་ཆེ་ ཡུལ་ མན་འདྲ་བོ་ ན་ ས་ཅུད་ སྐབ་པའི་ ལོན་ ཐོབ་བཞིན་ ཡོད། འདི་ སྐོར་ལས་ གཙོ་བྱི་ སྐོན་བོ་ སྐུ་ཞབས་ Prem Singh ཉ་དམག་ གི་ མངའ་ཕྱེ་ ན་ ད་རེ་ ཆར་བོ་ ལྷ་མཐུང་ཉི་ སྐབ་ཤད་ འདི་ ལོ་ ལྷ་ལོ་ བཞག་ཉི་ ཐམས་ཅད་ མཉམ་ཆེ་ ཐོན་ལས་ རང་གི་ སྤང་སྐྱབ་ ལོ་ སྐུ་ཆེན་ བཞག་ཤད་ བསྐབ་བྱ་ གནང་ཡོད། ཁོང་ གི་ Social Media post གཅིག་ ན་ མི་སར་ མཉམ་ཆེ་ སྐུ་ཆེན་ མ་ཐོན་ སང་སྟེ་ འབྲུལ་སྐོར་ མ་སྐབ་ཤད་ དང་ སྐྱོང་ བབས་ཆུ་ དང་ གཞན་ ཉེན་ཁ་ ཅན་ ས་གནས་ ན་ མན་བྱོན་ཤད་ ལྷ་བ་ སྐབ་ཡོད།

CM – RAINFALL

གཙོ་བྱི་ སྐོན་བོ་ 'སྐུ་ཞབས་ ཉ་དམག་ གི་ མངའ་ཕྱེ་ མི་སར་ གི་ སྤང་སྐྱབ་ སོ་སོའི་ གཙོ་བོ་ སྐུ་ཆེན་ ཨིན་ ལབ་ཞན་ ཐམས་ཅད་ ལོ་ མངའ་ཕྱེ་ གཞུང་གི་ གནས་ཏང་ ལོ་ ཐ་ཉེད་ ལས་ འཛིག་ཉིག་ བྱས་བཞིན་ ཡོད་བོ་ དང་ མི་སོག་ དང་ རྒྱ་ཅའི་ སྤང་སྐྱབ་ བྱས་མཁན་ དགོས་གལ་ ཞབས་ཆེ་ གཞུགས་ཅུ་ བྱས་བཞིན་ ཡོད་ ལབ་ཞན་ ཐམས་ཅད་ ལོ་ ཞི་ཅམ་ ལུལ་ ཡོད། གཙོ་བྱི་ སྐོན་བོས་ ཐམས་ཅད་ མཉམ་ཆེ་ སྤྱག་རེང་ རྒྱུ་ཤད་ དང་ གནས་ཏང་ གི་ ཤེས་ཡོན་ ལོན་ཤད་ བསྐབ་བྱ་ གནང་ཡོད།

འདི་ འབྲེལ་བ་ ན་ འབྲས་ལྗོངས་ བྱང་ཚྭ་ཁང་ གི་ གཙོ་འཛིན་ ལྷ་མ་སྐུ་ Raj Kumari Thapa དང་ སྤིད་བྱས་ འབྲས་མི་ སྐུ་ཞབས་ Lal Bahadur Das གི་ ལོན་ གཅིག་ ལྷབས་སྐུ་ གནང་བཞན་ མི་སར་ མཉམ་ཆེ་ བྱང་ཁྱ་ དང་ སྤྱག་རེ་ གནང་ཤད་ ལྷ་བ་ འབྲན་ ཡོད། ཁོང་ཅུས་ སྐུ་ཆེན་ མ་ཐོན་ སང་སྟེ་ ཐ་རེང་ མན་བྱོན་ཤད་ སྐྱོང་ དང་ ཉེན་ཁ་ ཅན་ ས་གནས་ ན་ མན་བྱོན་ཤད་ དང་ ག་ཉམ་ ཡང་ ལོན་ དང་ ཆབ་ཆེན་ དུས་ལོ་ རྟོ་རམ་ གོན་ལས་ བྱང་ཁའི་ འཛིན་སྐྱོང་ འགོ་བརྒྱུད་ MEO ཡང་ ན་ SDM ཅུ་ མཉམ་ཆེ་ མཐུན་འབྲེལ་ བྱས་ཤད་ ལྷ་བ་ འབྲན་ཡོད།

CAP

Citizen Action Party འབྲས་ལྗོངས་ གི་ ཡང་ ལྷ་མཐུང་ ཉི་ སྐབ་མཁན་ ཆར་བོ་ གི་ བྱས་ འབྲུང་མཁན་ གནས་ཏང་ ཉེན་ཁ་ དང་ རེ་བ་ སྐྱོན་ངན་ ལོ་ ལྷ་ལོ་ བཞག་ཉི་ འབྲས་ལྗོངས་ མི་སར་ ལོ་ སྤང་སྐྱབ་ ཆེན་བོ་ ལྷ་ཤད་ དང་ ལྷ་ཤད་ བསྐབ་བྱ་ གནང་ཡོད། ཆོད་པའི་ གསར་ཤོག་ གི་ ན་ ལྷབས་སྐུ་ གནང་བཞན་ མན་འདྲ་བོའི་ ཉེན་ཁ་ ལོ་ འཛིག་ཞན་ ལྷ་ཤད་ གནང་ཤད་ དང་ སྤང་སྐྱབ་ ས་གནས་ ན་ ལྷ་ཤད་ བསྐབ་བྱ་ གནང་ཡོད།

ཚཱ་པོ་གི་གཞུང་དང་འཛིན་སྐྱོང་ལོ་ཡང་མི་སར་སྤང་སྐྱོབ་དོན་ལས་དུས་ཚོད་ན་རང་དགོས་ཚད་ཐབས་ལམ་ཚུ་དགྲིང་བྱས་ཤང་བསྐབ་བྱ་གནང་ཡོད།།

MAAN KI BAAT

མིང་སྟོན་ན་རེན་ཏུ་མོ་ཏེ་གི་ཐོག་རང་དོ་པའ་ཚུ་ཚོད་ ༡༡ གངས་རྒྱུང་ཕྱིན་ན་Maan Ki Baat ལས་རིམ་ན་རྒྱལ་ཁབ་མི་སར་ལོ་རང་གི་བསམ་སྒོ་གསུང་ཤང་ཨིན། འདི་Maan Ki Baat ལས་རིམ་གི་ ༡༡༥ པོ་ཁྱབ་སྒྲུ་ཐོན་ཤང་ཨིན། མོ་ཏེ་གི་ཐེང་ ༣ པོ་གཞུང་ལོ་ཁྱུ་པའི་རྒྱབ་ལས་Maan Ki Baat གི་འདི་ཐེང་ ༤ པོ་ལས་རིམ་ཐོན་ཤང་ཨིན།

ལས་རིམ་འདི་རྒྱུང་ཕྱིན་ཁང་དང་DD གི་Network ཐམས་ཅད་རྒྱུང་ཕྱིན་ཁང་གནས་ཚུད་website དང་newsonair mobile app ན་ཁྱབ་སྒྲུ་ཐོན་ཤང་ཨིན། འདི་ལོ་རྒྱུང་ཕྱིན་ཁང་གནས་ཚུལ་DD News, PMO དང་ལོན་འབྲེལ་མཉམ་ཅེ་ཁྱབ་སྒྲུ་ཐོན་ཤང་ཨིན། ཉིན་དི་སྐད་ཀྱི་ཁྱབ་སྒྲུ་ལམ་སང་འདི་ལོ་རྒྱུང་ཕྱིན་ན་ཡུལ་ཚོར་སྐད་ན་ཁྱབ་སྒྲུ་ཐོན་ཤང་ཨིན།།

IMD WEATHER

གནམ་ལ་ལས་ལག་གི་UP ན་ཐོག་རང་ཆར་པོ་སྤོམ་པོ་བབས་ཤང་ཉེན་ཁ་འབྱུང་ཡོད། Maharashtra, Gujrat, ཐོ་ཀྱ་གངས་རི་ས་གནས་རུབ་རྩེ་སྤུལ་། འབྲས་ལྗོངས་དང་བི་ཏར་ན་ཡང་ས་གནས་གྲང་ཏ་གྲང་ཏའ་ན་ཆར་པོ་སྤུབ་ཤང་རི་བ་བཞག་ཡོད། MP, UK, TN, PD དང་Kerela, ན་ཆར་ཆེན་སྤུབ་ཤང་སྤང། གནམ་ལས་ལས་ལག་གི་གསུང་ཡོད་འོང་མཁན་ཉེམ་ ༣ ན་Punjab, Hariyana, Chandigarh, Delhi དང་Rajasthan ཆར་པོ་སྤུབ་ཤང་ཉེན་ཁ་བཞག་ཡོད།།

CHIWABHANJYANG TRIAL RUN

བདེན་གཏམ་འགྲལ་སྒྲོར་ཡར་རྒྱས་བྱི་ཚོར་ཀྱི་ད་རིང་དོ་པའ་མགོ་དང་པོ་Chiwabhanjyang Trial Run Marathan བཞག་གོ་ཨིན། དོ་པའ་ཚུ་ཚོད་ ༡ ལས་འགོ་བཙུག་མཁན་རྒྱལ་ཤང་ན་འབྲས་ལྗོངས་མཉམ་ཅེ་དོ་རྗེ་སྤོང་ཀ་ལེམ་ཕུང་བི་ཏར་ཁྱ་ཏར་པར་དེཤ་འབྲུག་དང་སྤུལ་ཡུལ་གྱི་ཅད་མི་ཚུ་བྱས་ ༣༠༡ ཐམ་བས་ཁྱུང་ལོན་པོ་ཨིན།

Chiwabhanjyang གི་རྒྱལ་ཡོང་ས་མཚམ་ལོ་སྤུབ་ཤང་ཀི་ལོ་མི་ཏྲོར་ ༡༠ རིང་གོ་རྒྱལ་ཤང་འདི་Uttaray དང་Chiwabhanjyang འགྲལ་སྒྲོར་གཡོག་འགན་གྱི་རང་བཞིན་རྗེ་སྤོང་ལོ་ཁྱབ་སྒྲུ་བྱས་ཞན་མ་འོང་པའི་ཉེམ་དོན་ལས་འགན་ལེན་པོ་འགྲལ་སྒྲོར་གྱི་ཡར་རྒྱས་གྱི་དོན་ཆེན་མཉམ་ཅེ་ཞག་ ༤ ན་ལས་རིམ་ཚུ་བཞག་གོ་སྤང། འགྲལ་སྒྲོར་དང་མི་སར་ཕུར་ཏང་ལས་ལག་གི་བསྐབ་བྱ་པོ་དང་ལས་རིམ་དགྲིང་ཚོར་པའི་གཙོ་འཛིན་སྤུལ་ས་Sudesh Kumar Subba གི་Marathon ལོ་འགོ་ཕྱུང་གནང་པོ་ཨིན།།

GMC – OBSERVERS SHS

སྐར་ཏྲག་Municipal འཛིན་སྐྱོང་གི་CRH Manipal ཀྱི་རྟ་རམ་ལས་Swachhta Hi Seva འཆར་གཞི་དོན་བཞིན་འཕྲོད་བསྟེན་སྐྱེན་བཅད་camp བཞག་གོ་ཨིན། འཆར་གཞི་འདིའི་མགོ་ཡིག་འདི་“Swabhav Swachhta Sanskaar Swachhta” ཨིན་པོ་སྤང།

འཆར་གཞི་འདིའི་ཞག་ལས་རིམ་གཅིག་འདི་Safai Mitra ཚུའི་དོན་ལས་འབྲེལ་བ་བཞག་གོ་ཨིན། ག་འདི་རྒྱབ་ལས་GMC མཐའ་སྒྲོར་ན་“Safai Mitra Suraksha Shivir” ལབ་མཁན་ལས་རིམ་བཞག་གོ་ཨིན། འདི་ན་ ༢༥༠ ཐམ་བ་ལས་སྤྱད་པོ་གི་འཕྲོད་བསྟེན་ཞིབ་བྱུང་ཁྱབ་སང་ལོན་འདུག། འདི་འབྲེལ་བ་ན་Swachhta Hi Seva འཆར་གཞི་བཀྲིས་སྤོང་ལས་ཁུང་ལས་ལག་མཐའ་སྒྲོར་ལས་ཀྱི་བོད་རྟ་སྤུལ་ཏི་སྟོག་ལས་ལག་མཐའ་སྒྲོར་སང་རྗེ་གཙང་ཀྱ་བཟོ་ཤང་འཆར་གཞི་མཉམ་ཅེ་ཤེས་ཡོན་ལས་རིམ་བཞག་འདུག།

སྐང་ཏྲག་གི་སྤྲོ་བྱུས་འབྱས་མི་སྐྱེ་ནའང་བདེ་ལེཾ་ནམ་རྒྱལ་བར་ཕུང་པས་རྒྱལ་ཆེན་ལྟ་འགན་ན་བཞག་མཁན་འཆར་གཞི་འདི་ཉོན་ཏོ་
pension འཆར་གཞི་དོན་ལས་རྒྱལ་ཁབ་དགོས་ཆད་དོན་བཞིན་མན་འདྲ་བོ་ལས་ལག་གི་གཞུང་འབྲེལ་ལྷག་ལས་གནང་མཁན་ཅུའི་ལས་རིམ་
བཞག་ཏོ་སྐང་།།